

0+

"Поро пиалан улыт яндар шўман-влак:
нуно Юмым ужыт" (Мф. 5:8).

ШЎМ-ЧОН ЦЗОЛЫК

2013-ий март
годсек лектеш.

МАРИЙ ПРАВОСЛАВНЫЙ ЖУРНАЛ 1-ше (105) №, 2022 ий январь

Йошкар-Оласе да Марий Элысе Высокопреосвященнейший митрополит Иоаннын благословитлымыже почеш



Кажне У ий деч ончыч, 31 декабрь кастене, Москон да уло Русьын Святейший Патриархше Кирилл Утарыше Христос лўмеш Москвасе кафедральный соборный Храмыште молебным эртар. Туныктен ойлымыжым, пагалыме лудшына-влак, тендан деке намиен шуктена.

АЧАН, ЭРГЫН ДА СВЯТОЙ ШЎЛЫШЫН ЛЎМЕШ!

Уий вашеш йўла почеш молебным эртарен, ме эртыше ий верч Господьлан таум ыштена, ончалтышнам шушаш ийыш савырен, илышыште да пашаште Господь деч польшым йодына. Но кызит, кунам уло тўня осал чер дене орлана, кунам лишыл ег-влакын орланымыштым, колымыштым ужына, ала иктажше шоналта: «Тыгай пагытыште Юмылан таум ышташ кўлеш мо?» Но ме Юмын эрыкшым пален она керт. «Мыйын шонымашем тендан шонымашда огыл, Мыйын корнем тендан корно огыл», – ойла Господь (Ис. 55:8). Тўнян да айдемын ончыкылык пўрымашыж нерген Юмо мом шонен пыштен, тидым мемнан уш-акыл дене умылаш ок лий.





Кузе тыге лийын? Ме наукин кугу кўкшитшө нерген ойлена, а кызыт шарлыше чер деч ең-влакым арален она керт? Иктым шотыш налман: але марте сайын шымлен шуктыдымо чер толын тўкнен, но тудын нерген умылымаш да сөген кертшаш корно рашемеш. Тыгак тебе мом эше шарныман: айдеме кеч-мыняр куатле лиш гынат, науко чот ончыко кая гынат, илышыште ончыкыжымат кугу лўдыкшө лектын кертеш да айдемын вес тўрлө лушкыдылыкшо почылтеш. Тўня пытымеш тиде тыгак лиш, сандене Юмо ден айдеме коклаште пенгыде кыл лийшаш. Айдеме тукымын историйжым ончалына гын, Тошто Сугынь жапыште калык могай кугу ўшанымаш дене Юмылан кумалын! Теве Кугу Отечественный сар годымат кызытсе деч ала-мыняр пачаш неле лийын гынат, православный ең-влак могай көргө вийым, чытымашым да ўшанымашым ончыктенят.

Тачат ме Юмын чыла кертше куатше нерген мондышаш онал, Тудын пеленна улмыжым шижшаш улына. Господь мемнан эрыкнам огеш шыгыремде, мемнан илышыш Тудо ўжмына почеш веле пура. Эрыкан айдеме молитвам кумылын лудеш, Юмым сөрвала гын, тудын деке Юмын порылыкшо савырна. Тыге Юмын чаманымашыже да

йöратымашыже почылтеш.

Теве теният ме молебным эртарена, эртыше ийлан Господьлан таум ыштена, вет ойго веле огыл, куанжат шуко лийын. Шке кугу порылыкшо дене Тудо осал чер шарлымым шушаш ийыште чактарен шогалтыже, мемнам, лишыл егна-влакым, уло калыкым да Черкынам аралыже манын йодына. Историйын Озаже Юмо да чылажат Тудын эрыкыштыже улмым эре шарныман. Айдеме тукымын ончыкылык пўрымашыже Тудын кидыштыже. Мемнан шўмыштына Юмо деке йöратымаш лиш гын, Тудо чыла ойгым, черым сенгаш полша.

Господь нуным чаманыже манын, мыланна таче мемнам коден кайыше йöратыме да кугун пагалыме ача-шамычым, шерге иза-шольына ден ака-шўжарна-влакым порын шарналташ кўлеш. Медицине пашаен ден добровольцев-влакын лўддымылыкым ончыктымыштланат Господьлан таум ыштена. Чылажланат таум ыштена да ончыкыжымат Тудын полишыжо лиш манын ўшанен кодына.

Юмын благословенийже, Юмын Аван Леведышыже эреак тендан ўмбалныда лийже. Аминь.

МОСКОН ДА УЛО РУСЬЫН ПАТРИАРХШЕ
КИРИЛЛ.

ХРИСТОС ШОЧМО ДЕНЕ ЙОШКАР-ОЛАН ДА МАРИЙ ЭЛЫН ВЫСОКОПРЕОСВЯЩЕН- НЕЙШИЙ МИТРОПОЛИТШЕ ИОАННЫН САЛАМЛЫМЕ МУТШО

**«Христос Шочеш! – Чапландарыза Тудым!»
ШЕРГЕ АЧА, ИЗА-ШОЛЬО ДЕН
АКА-ШУЖАР-ШАМЫЧ!**

Таче Христос Шочмо кугу пайрем. Тиде – мемнан утаралтмашын тўнгалтышыже, вет Эреак Ёдыр улшо Мария деч Вифлеем олаште Христос Юмо – Корно, Чынлык да Илыш – шочеш. Уло сандалыкым ёрыктарыше ты шочмаш кок тўжем ий ончыч лийын. Шке шочмыж дене Юмо Аза ег-влаклан тынысым конден. Курымашлык Юмо шочын да уло айдеме тукымым чынын волгыдыж дене кече семын волгалтарен, курымаш у илышыш нангайыше корным почын. Торасе Палестиныште Юмын Эрге шочмо нерген увер уло тўня мучко шарлен да мемнан жап мартеат аралалтын.

Айдеме Эргын тўсшө дене Юмын Йоратымашыже толын. Юмо Шкежак толын манын, уло тўня да айдеме тукымын историйже кызыт мартеат пенгыдемда. Пылпомыш тунам Суксо гоч тыге каласен: «Ида лўд! Мый тыланда кугу куаным увертарем, тидыже уло калыклан йывыртмаш лиеш: таче Давидын олаштыже тыланда Утарыше – Христос, Господь – шочын».

Мо лиймын кўкшытшым тўня тунам але умылен кертын огыл. Юмо Азан Шочмыжо шагал енын чонжым тарватен. Эреак Ёдыр улшо Авам умылаш тыршыше, мут але паша дене Тудлан полшышо лийын огыл. Мландымбаке айдемым утараш толшо Юмо курыкпомышто вольыкын шокшо шўлышыжым да нунын вуйсавымыштым веле вашлийын. Шукертсе ты событий кеч-могай курымышто илыше кажне еглан лийын да лиеш. Христос Шочмо кече гыч тўнгалын, тўнян пытартыш кечыж марте тудо мемнан мландымбалысе илышнан Пылпомышысо курымашлык илышын куанышкыже савырныме чудым ышташ тўнгалеш.

Юмын айдеме тўсым налме годсек жапын кажне изи татше курымашлык дене кылдалтын. Христос чылашлан да эрелан шочеш. Юмын ниможат эртышыш ок савырне, Тудын дене эртыше уке, Тудын чылажат курым-курымеш улшо. Утарыше Юмын шочмыж нерген поро уверым меат, XXI курымышто илыше-влак,



колынна. Юмын куатше да кугу уш-акылже вес тўнян законжым мландымбаке конден. Утарышын кондымо законом налмашлан айдеме тукым кужу жап торешланен. Юмо ваштареш кучедалше-влакым лыпландараш манын, Господь мыняр чытымашым да йоратымашым ончыктен. Мемнамат, ўшанымаште лушкыдо улшо да сулыкым йоратыше-шамычым, умылен да чаманен.

Айста ожнысым огыл, а тачысе жапым да шкенам ончалына. Рошто пайремын куанже мыланна кужунлан сита мо? Вет ты куан огыл мемнан деч кая, ме шке тудын деч торлаш вашкена. Мучашдыме арам пашам ыштен, Юмо да Тудын куанже нерген мондена. Но Юмо поро, Тудо мемнан деч ок коранг. «Курым пытымеш Мый тендан пелен улам» манын сёрымыжым Тудо шукта. Рошто пайремын куанже кажне ийын мемнан дек пёртылеш. Эре мемнан пелен улшо Господь таче Шке Юмо Йоратымашыжым Аза тўс дене шарныкта, лишыл-влакнам йоратымым чытенак вуча.

**ШЕРГЕ АЧА, ИЗА-ШОЛЬО ДЕН
АКА-ШУЖАР-ШАМЫЧ!**

Христос Шочмо кугу пайрем дене тендам уло кумылын саламлем! Йывыртен пайремлаш ўжшө Черкын чан йўкшым колын, Юмын храмыш вашкена. Тушто мемнан, йоратымаш ден ўгышылыкклан нужна-шамычын, ўшанымашнам Юмо Аза Христос пенгыдемда, Шкеж почеш Пылпомышысо Кугыжанышыш каяш туныкта. Илышым Пуышо Христосын туныктымыж ден кўштымашыж-влаклан ўшанле лийын, Тудым Шкенжым йоратымынам ончыктена, Тудын Святой Черкыжлан ўшанле лийына!

**ХРИСТОС ШОЧЫН,
ДА ЮМО МЕМНАН ДЕНЕ ПЫРЛЯ!**

ВОЛЖСК ДЕН ШЕРНУРЫН ЕПИСКОПШО ФЕОФАНЫН РОШТО САЛАМЛЫМАШЫЖЕ



Господь дене ушнымаште йӱратыме да кугун пагалыме ача-шамыч, Христос дене ушнымаште шерге иза-шольо ден ака-шӱжар-влак!

«Шкенжын пӱрымыж-влак дека толшо Пӱрышылан ме шӱртньӧ олмеш ушанымашым, смирне уй олмеш йӱратымашым, ладын олмеш шке пашанам кондена».

(Рошто пайрем деч ончычсо стихире гыч).

Христос Шочмо чапле пайремыш Святой Черке мемнам нылле кечаш пӱтӧ дене конда, Рошто деч ончычсо кечылаште ойыртегалтше муро-влак дене ямдыла. Пайрем деч ончычсо стихирын мутшо-влак тебе мом шижтарат: мемнан деч Юмо Аза пӱлек шотеш ны шӱртньым, ны смирне уйым, ны ладыным, ны мландымбалысе моло поянлыкым ок вучо. Тудлан поро пашана, еным чаманымына да духовный пӱлекна-влак шерге улыт. Святой апостол Павел нине пӱлек-влакын лӱмыштымат каласен коден – тиде ушанымаш, ушанен вучымаш да йӱратымаш улыт (1Кор. 13:13).

Кок тӱжем ий ончыч Эн яндар Удыр Мария деч Господь Иисус Христос капым налын (1 Тим. 3, 16). Тудо мландымбаке Юмын порылыкын тичмашлыкшым конден да ен-шамычлан Юмын шочшыжо лияш властым пуэн (Ин. 1, 12), порын да чын илен кертме куатнам пенгыдемден, Юмын Кугыжанышыш пураш йӱным ыштен. Тиде Кугыжаныш вет кочкыш-йӱыш огыл, а Святой Шӱлыш дене ушнымаште чын ыштымаш, тыныслык да

куанымаш (Рим. 14, 17). Господь айдемым сулыкын да колымашын властьше деч утарен, а айдемын шӱмыштыжӧ улшо Пылпомыш Кугыжаныш тудлан Господь нерген кӱргӧ куаным пуа. Христос дене ушнен илыше айдеме Тудын Шочмыжым йывыртен чапландара, мландымбалысе илышын нелылыкшым, йыр улшо пуламырым шотышкат ок нал. Вет Юмо дене ушнышо ег курымашлыкыштат Тудын пелен лиеш.

Шӱмыштына уэш шочшо Христос мемнам чаманыше лияш уӱжеш. Христосым йӱратымынам пенгыдемден, ме лишыл-влаклан полшена, вийдыме да укеан-шамычлан энгертыш лийына, икте-весынан лшкыдылыкым чытена, енын кумылжым шуктена (самоотверженность) да шке йырна улшо-влак дека йӱратымашнам шукемдена гын, сай ыштена. Тыге Господь мемнан ушанымашнам ужеш, тыршен шуктым пашанам, кумалмынам да Тудым чапландарымынам акла. Таче Вифлеемыште Нарашта Удыр деч Христос шочеш. А ме чарныде мурена: «Юмылан кӱшнӧ чап лийже! Мландымбалне тыныслык, ег-влак дене Юмын поро кумылжо!» (Лк. 2:14).

Христос Шочмо кугу пайрем дене чыладамат йывыртен да йӱратен саламлем! Кужу да поро илышлан Господь тендам тынысыште да порылыкышто аралыже.

Христосын Шочмыжо,
2021/2022 ий.
Волжск ола.

Кок тўжем утла ий ончычат тыгак лийын. «Кай, кодо мемнам», – тыге ег-влак Юмым поктемыт. Тунам Юмо вашештен: «Мыйын мом ойлымемым нуно огыт умыло. Мый Юмо, а нуно айдеме улыт, сандене огыт умыло». Мемнам кузе чот йоратымыжым мыланна ончыкташ манын, Юмо пелештен: «Ег-влак Мыйым шкештак умылен огыт керт гын, мом ыштышашым палем. Мый Айдеме лиям: Айдеме йылме дене мутланыше, Айдемын гаяк капкылан. Ёмбакем ончен, ончыкыжым «Тудым огына умыло» манын ынышт ойло. Мый кажныжлан угыч да угыч ойлаш тўнгалам: «Тыйым йоратем, проститлем да, йўштө деч утаралтын, Мый декем толметым вучем. Кидемым кучо. Тыйым тугай верыш нангаем, кушто ласкалыкым муат. Тунам Мый дечем йодат: «Господь, кө Тый улат? Тый раш ойлет, чаткан умылтарет, пуйто ме йолташ улына. Содоки кө Тый улат?» Мый декем лишеммекет, шке умылет: Мый тыйын гаяк Айдеме улам, а эше Мый Юмо улам. Ит лўд, да утаралтат».

Юмо тыштат, туштат – чыла вере. Каваште, мландыште, мемнан коклаште. Тиде – умылтараш лийдыме тайне. Тиде тайным Господь мыланна почнеже – вет тудо «Мый тыйым йоратем!» манашлан көра Айдемыш савырнен. Нине мут-влакым Тудо лач тылат гына, йоратыме шочшыжлан, пылышышкет пыкше колаш лийшын пелештен кертеш. «Мый тыйым йоратем! Языкын да ондалымашын йўштыж деч тыйым утараш да райын шокшышкыжо нангаяш манын, Айдеме лийынам. Тол Мый декем. Чонгеште Мый денем пырля!» А тый вашештет: «Господь, мый тыгай торашке чонгештен ом керт». Тунам Господь каласа: «Тый Мыйын шулдырешем чонгештет. Тол тышке, ончо, тылат шулдырем шаралтем». Тудо Ыресыште вараксим семын «шулдыржым» шаралта, тиддене мемнам кузе чот йоратымыжым палдара.

Христосын Вифлеемыште Шочмыж нерген ойлымына дене ме Голгофыш каена. Вифлеемым йымыктарыше Волгыдак Голгофымат волгалтара. Вифлеемысе курыкпомыш Христосын шочмо верже лийын гын, Голгофысо курыкпомыш – Тудым тойымо вер. Кок курыкпомыш тўрлө жапыште Христосын святой капшым налыныт. Юмо мландым ыштымыж годымак нине кок курыкпомышым ыштен, вет Тудо пален: иктыштыже Тудо шочеш, а весыже капшын ты тўняште кучалтме пытартыш верже лиеш.

Юмо нерген каласкалыман огыт, а Тудлан кумал илыман. Мотор мут-влакым Тудлан Шкаланже ойлыман да тыге куаным налман. «Господь, Тыйым гына колышташ, Тыйым гына ончаш, Тый декет гына тўкнаш манын, ме шыпланена. Тый уло илышнам теме».

Мландымбалне илыме ала-могай 100 ий чоннам тынаре ярныктара гын, шоналтыза, курымашлык илышыште мыняре ярнаш тўнгалына? А вет курымашлык илыш нерген ме йоршеш огына шоналте, пуйто тудо укеат. Сандене Господь мландымбаке каласаш толын: «Вес илышат уло. Садлан көра Мый кызыт тендан



дене пырля улам. «Юмо айдеме-влакым икте-весышт деч ойыра гына, мландымбалысе илыш дечын, мландымбалысе шижмаш, йоратымаш дечын корангаш төча гына», – те тыге ойлен ида керт манын, Мый Галилейысе Каныш сўаныш каем. Мый храмышкат, синагогышкат, Иосифын мастерскойышкыжат, Галилейысе ерышкат (кушто колым кучеда) каем, курыкышкат күзем. Мом Юмо каласен да мом закон кўшта – мый чылажымат тендан семынак ыштем. Теат шке пашадам ыштымым ида чарне. Тўнжө: пашалан көра Мыйым ида мондо, Тўнгалтыш да Мучаш нергенат ида мондо».

Теве мо тыгае Рошто. Господь ўнышын мемнан деке толеш да ойла: «Шочшем-влак, Мый тыште улам! Мый тендан деке изи аза семын толынам, кө нигөм огеш вурсо, огеш титакле, сола дене огеш лупшкедыл, а шыпак нимодымо курыкпомышышто кия. Изи, нужна ньога. Тыланда Мый декем лишемаш куштылгырак лийже, те Пылпомышысо Кугыжаныш нерген пален кертса да Шуко шергакан Чыным пален налза, а вара утаралтса да пиалан лийза манын, Мый тыге ыштенам. Шонедат гын, почешем кайыза!»

Лач нине кечылаште чылаланда йоратыше, тауштышо лияш тыланем, ида тургыжлане, нелеш ида нал, весынат кумылжым ида волто. Господьын тендам кузе чот йоратымыжым, Господьын шочшыжо улмыдам шижса. Умылыза: кеч-кушто лийыда, кеч-мом ыштеда гынат, уло Тудо, кө кажныда нерген (шкет кодыда гынат) эре шона. Тиде Йоратымашын мучашыже уке.

Рошто кечын Йоратымаш шочын, Йоратымаш-Юмо. Изи Вифлеемыште тўнямбалне эн йоратыше шўм – Господьнан шўмжө – кыраш тўнгалын. Тиде тат гыч ме тудын кажне перымаштыже йоратымым гына шижына. Шўмжө вўрым коштыктым семынак йоратымашым коштыкта. Эреак.

Шочшо Христосым йоратыза, тунам нигунамат огыда коло. Кө Шкежак Йоратымаш улеш, Тудым йоратыза! Палыза да шарныза: Йоратымаш нигунам огеш коло. Юмо дене пырля лийза!

Архимандрит Андрей (Конанос).

РОШТО ЧУДО



Рошто – православный христиан-влакын ик эн мотор кугу пайремышт. Уло тўнямбалсе калык тиде йўдым изи йоча семын, шўдыран каваш ончен, чудым вуча. Эрвел могырышто волгалтше ик эн чолга шўдыржым ойырен налаш тырша. Эн йўратыме енлан, йолташлан, шўжар-шольылан але пеш сай пагалыме енлан Рошто пўлекым ямдыла.

Пайрем деч ончыч ик школын туныктышыжо йоча-влаклан Иисус Христосын илыш корныжо, Тудын нужна ешыште шочмыжо, а варажым тўнямбалне ик Юмо лиймыж нерген каласкален. Иисус Христосын пенгыде чын мутшо денак шуко чудо лийме нерген ойлен: эн очыч Тудо тавысе яндар вўдым йошкар аракаш савырен, сокыр але чолакым, тўрлў чер дене орланыше-влакым паремден. Шортын пытыше нужна енын колышо эргыжым, ўдырым, ныл кече колышо кўйше Лазарьым ылыжтен кынелтен. Вич сукур кинде да кок кол дене вич тўжем калыкым пукшен темен.

Кугу Юмын мынар шуко сай пашаже ышталт шоген, тынарак Рошто пайрем кече мучко йоча-влакын шуко йодмашышт лектын шоген. Теве Даша шўжарнан омыжо пытен. Вуйышко тўрлў шонымаш пурен, ушыж дене тудо Юмын сўрвален. Чынак огыл мо Юмо чудым ыштен мошта? Тыгай шонымаш денак мален колтен. Сўрале омым ужын, пуйто изи йывыртыше кайык семын каваш, шуко шўдыр коклаш, кўшкырак да кўшкырак чонгештен. Ала-могай сад-пакчаш чонгештен пурен. Йырым-йыр каласен моштыдымо тамле пушан пеледыш кушкын, пушенге коклаште кайык мурен. Ала-кушеч чонлан келшыше ласка муро йонгалт каен: «Юмо серлаге-е!» Даша пеш раш ужын: туддек чот йытыра чурийвылышан Царица Мария, Юмын Ава, лишемын. Вуйыштыжо шергакан бриллиант

кў дене сўрастарыме короно, ўмбалныже шўртньў шўртў дене ургалтше тувыр, а йўкшў пеш поро да ласка. Дашан вуйжым нялтен, пушкыдо шўмжў гыч лекше мутшо дене туныктен ойлен:

– Юмын каласыме законжо почеш илыман, Юмын йўраташ, лишыл йолташетым, ача-аватым пагалаш кўлеш, шольышташ, шойышташ нигунам огеш лий. Лий эреак ушан-шотан, поро чонан, поро кумылан, ласка шинчаончалтышан, изим чамане, кугум пагале. Тунам гына тый эн пиалан айдеме лият, шонымашетат шукталт шуэш.

Тыгай мут дене омо кўрылт каен. Даша, шыргыжалын, шинчажым почын, омысо тамле пеледыш ўпш алят пўрт кўргыштў улмо гай чучын. Сайынак помыжалт шумек, келгын шўлалтен колтен:

– Эх, вет тиде лач омо гына улмаш.

Даша пылпомышто огыл, а мланде ўмбалне, ике вакшышыштыжак каен. Чу, ўдыр эшеат сайынак шинчам почын ончал колтен – пўрт покшелне сўрал кож волгалт шоген, а вуйыштыжо Вифлеемысе гай шинчам йымыктарыше шўдыр чолгыж йолген. Даша кож йыр ончал савырнен да йымалныже тўрлў-тўрлў рошто пўлекым верештын. Чот йывыртымыж дене муралтен, кушталтен колтен, пўлек-влакым ойыркален ончен: авамлан, ачамлан, шўжарлан да мылам манын шонен.

– Чудо, чудо вет тиде! Мынар кампет, печене! Авай, ачай, толза, ончыза! – кычкырен. Содор шўжаржымат кынелтен шынден. А тудыжо ўрын, вачыжым гына туртыктен. – Товатат тиде Юмын паша! Рошто йўдым чылалан Царице пўлекым пуэда. Кугу таум Юмылан каласена!

**Серафима КОРНИЛОВА.
Провой кундем.**

ЧОН УТАРАЛТМЕ КОРНЫШ ШОГАЛЗА



«Правило» да «православий» мут-влакын икгай мутвожышт чыным ончыкта. Кумалме радамым виктарыше эр-кас правилат ты чын гычак лектеш манын, Черке историйын опыто шукуртак рашемден.

Эр-кас молитва-шамыч православный ўшанымашым пентгыдемдат, өрдыж гыч нимогай вашталтышым огыт пурто, кумалше еным Юмын эрыктым шукташ, шке куатшылан да Юмын польшыжлан ўшанаш туныктат. Тушто чын радам да содержания тичмашлык уло: молитвам лудмына годым ме Айдемым йоратыше Юмылан шкенан нерген да чыла лишыл енг-влак нерген веле огыл кумалына, тыгак мемнам ужмышудымо да шыгыремдыше-влакымат протитлаш йодына. Порым ыштыше-шамычлан порым ышташ, изашольо да родо-тукымлан курымаш илышым, вийдыме ден черле-влаклан тазалыкым пуаш, тенгызыште улшо-влакым виктараш, корныен-влак денат пырля лияш сөрвалена. Мыланна служитлыше да мемнам чаманыше-влакын языкыштым касараш, ондак колышо ача, изашольо-влакым Юмын чурий ончылно улшо волгыдо вереш тынысландараш, пленыште улшо изашольынам түрлө авыралтмаш гыч утараш, святой черкыште саскам кондышо да порым ыштыше-влакым шарналташ да нунылан курымаш илышым пуаш йодына. Тыгак ме шке Шочмо элнан тыныслыкше верч Юмым сөрвалена. Эр-кас лудмо молитва мемнам духовный порядкылан туныкта, тыгак ия-шамычын осалланымышт ваштареш куатле саркурал лиеш. Кызытсе ег церковно-славянский йылме дене лудеш да тудлан молитвасе чыла мутшак палыме огыл гын, тидым вашке рашемдаш лиеш. (Марий калыклан нине молитва-влакым кусарен лукмо нерген

эше ик гана ушештарена. Нуно «Марла молитва-влак» да «Молитва-влак. Святой Причастийлан ямдылалтмаш» книгалаште улыт).

Чон куатым пыштен тыршыме паша Юмын порылыкшо деч посна ок код. Южышт жап укедан вуйым шийыт. Тиде шонен лукмо амал веле. Мом те ойырен налыда: эрдене коло минутлан утларак малаш, а кастене иктаж сериалым кужунрак ончаш але тиде жапыште Юмо деке савырнаш, шкалан да шке лишыл-шамычлан Юмо деке аралтышым йодаш? Тиде чылажат тендан деч шога! Молитвенный правилым шуктымаш чонлан, тазалыклан пайдам пуа, тыгак элыште да тўняште тынысым пентгыдемдаш полша. Ме вет Юмын Шўлыш полшымо дене возышо святой енг-шамычын молитваштым лудына. Ончыч «лудына» веле гынат, эркын дене шкеат келгынрак умылаш да шижаш тўнгальна, мутшат шке чонна гыч лекме гаяк лийыт. Шке семын кумалашат нигө ок чаре, но пуймо радамым шуктет гын, тўшка пашаш ушнымо семын лиеш, лектышыжат умен толеш.

Молитвам лудмаш тендан илыш привыкыш пурен шуын огыл гын, ончыч неле лиеш: осал шўлыш-шамыч иктыштан омым але йогыланымашым тушкалтат, весыштан гын «так арам шогылтат» манме шонымашым пуат. Тыгай алгаштарымашым сенгеда але уке, адак тендан деч шога! Святитель Игнатий (Брянчанинов) возен: «Молитва полшымо дене чон утаралтмашке шуаш манын, чын молитвалан тунемаш күлеш. Тидлан шкем ўмыр мучко туныктыман». Тугеже эр-кас молитвам лудаш тўнгальме гоч чон утаралтме корныш шогалаш лиеш! Господь тыланда чылаланда полшыжо!

Священник Антоний РУСАКЕВИЧ.



ПАЛЕН ЛИЙЗА ДА УШЕШ ПЫШТЫЗА

Чернигов олаште 72 ий ончыч, 1950 ий 19 январьыште, шонго схиархимандрит Лаврентий колен. Тойымо чиным епископ Иаков вүден. Тудо Лаврентий ачан капшым Троицкий собор йымалне улшо усыпальницыш, шым архиерейын капышт каныме верыш, пышташ кўштен. Калыкыште тыгай кугу пагалымашым сулен налше егын илыш корныж дене кўчыкын палдарена.

Лаврентий ачан Тынеш пурымо лўмжō Лука Евсеевич Проскура лийын. Тудо 1868 ийыште Чернигов губернийысе Кролевецкий уездыш пурышо Карыльск селаште шочын. Юмылан ўшаныше ачаж ден аваже чыла йочаштым тиде кугу порылыккланак туныктенит. Рвезе 13 ияш улмыж годым земский тўналтыш школым тунем пытарен, келге шинчымашым ончыктен, сандене ты школешак туныктышылан польшкалаш коденит.

Лука изинекак черкыш коштын, хорышто мурен. Икана тудо тораште огыл верланыше Короп олаш миен да öрыктарыше ег – императорын хоржын ончычсо регентше – дене палыме лийын. Тиде кундемеш шочын-кушшо ты ег рвезын усталыкшым ужын шуктен да тудым регент мастарлыкклан туныкташ тўналын.

Тыштак Лука эше скрипкам шокташ тунемын да, ик ий гыч мōнгыжō пöртылмек, селасе хорын регентше лийын. Нужнан илыше ешыжлан полшаш манын, тудо вургемымат урген. 17 ияш рвезым чапле ургызылан шотленит, сандене тудеке толшо шуко лийын.

Тиде жапыште аваже колен. Лука тунам монастырьыш илаш куснынеже улмаш, но Варфоломей изаже колтен огыл. Икмыняр жап гыч тудо Симеон йолташыже пелен Киевыш старец Иона деке йолын каен, духовный шинчымашым налаш благословитла манын шонен. Но Иона ача «Тендан семинарийда шке пеленда» манын каласен да благословитлен огыл. Лука Симеон дене пырляк вара эше Афон курыкыш миен. Йолташыжым тушто ик монастырьыш налыныт, а Лукалан старец манын: «Российыш кай, тый тушто кўлеш лият».

Лука, мōнгыш пöртылмек, Рыхловысо Никольский монастырьыш каен, тысе хорын регентше лийын. Владыка Антоний (Соколов) 1905 ийыште тышке толын, хорын мурымо кўкшытшым аклен да уста регентым Чернигов оласе Троицкий монастырьыш архиерей хорым вуйлаташ кусарен. Лукан самырык годсо шонымашыже шукталтын: у илыш тудым вўдйогын семын авалтен да шке корныж дене нангаен. 45 ийым темымеке, ўп пўчмō йўлам Лаврентий лўм дене эртен да монаш лийын. Кок ий гыч, кид пыштыме йўлам эртен, иеродиакон лийын, эше кок ий гыч – иеромонах. А 1923 ийыште тудлан схимонах постригым Киевысе лаврын схиигуменже Гавриил шолып эртарен. Митрополит Михаил тудым вич ий гыч архимандрит саныш шогалтен. Троицкий монастырьым петырымеш Лаврентий ача эре регент, уставщик лийын да монастырьын книгагудыжлан вуйын шоген.

Изиж годым Лаврентий ача йолжым сусыртен улмаш, сандене ўмыржō мучко окшаклен, тояшке эгертен коштын. Но Юмо тудлан шуко тўрлō мастарлыкым пуэн, тидыже духовный илышыштат палдырнен. Православный верам кугун пагалымыже, ег-шамычим чот чаманымыже, ончык ужын моштымыжо да кўлеш ойым пуымыжо туддек шуко егын чонжым савырен. Тыглай ег-шамыч веле огыл, епископ-шамычат ой-кагашым йодаш лўмын толеденит.

Эн чотшо теве мо öрыктара: схиархимандрит Лаврентий ача кызыт мемнан жапысе илышыште улшо чыла нелылыкым 70-80 ий ончычак пророк семын ужын да шке духовный шочшыжовлаклан каласен коден. Мом ойлен кодымыжым иктыш поген, «Поучения и пророчества старца-Лаврентия Черниговского» книгама савыктен луктыныт.

Совет власть жапыште монастырьым петыренит. Лаврентий ача тыглай пöртыштō илен да изирак Ильининский храмыште коло ий наре служитлен. Тиде храмымат петырымекышт, чыла богослужебный да черке муро книгама, ончыкыжым нуно пешак кўлеш лийыт манын, шолып арален. Кугу сар годым Чернигов

олаште Троицкий обительым уэш почыныт. Черке ачалыме пашам ворандарен колтен, 1941 ий 21 ноябрьште, Архистратиг Михаилын пайремже кечын, икымше службым эртареныт.

Кеч-могай пашаштат Лаврентий ача ег-влак коклаште лийын, ойым пуэн, шке молитваже да пашаж дене полшен. Тыгай онгаят лийын, маныт: йўштылан көра, пырдыжым штукатуритлен кертын огытыл. Старецын кумалмыж дене раствор пушкыдемын да паша ончыко каен. Шўм-чон яндарлыкше, духовный кўкшытшө дене тудо ег-шамычын кумылыштым савырен. Ег-влакын поро але осал улмыштым вошт ужын гынат, йоратымашыже чылашт декат кугу лийын – лыпландарен моштен, ылышыштым да койыш-шоктышыштым сай корныш савырен. Тудым ик гана ужшо айдедат тидым шижын да ўмыржө мучко порын шарнен, пуымо ойжым шуктен илен. Лаврентий ача черкыш чўчкыдын кошташ, Литургийыште лиймым поснак аклаш, сулыкым касараш да Пырчесым подылаш темлен. «Христосын Капше ден Вўржө көргыштыда лиеш гын, Господь тендам Шке пенгыдемда» манын.

«Мемнан эн шерге шомакна «Русь» да «русский» улыт. Днепр вўдеш Украиным огыл, а Русьым Тынеш пуртеныт, тидым мондыман огыл, эре шарныман. Киев – тиде кокымшо Иерусалим да руш ола-шамычын Авашт! Кузе Ик Юмын, Эн святой Троицыште улшо Ачам, Эргым да Святой Шўлышым шелаш ок лий, тугак Российым, Украиным да Белоруссийым шелаш ок лий. Тиде Святой Русь, а ме чыланат Святой Православный Русьын шочшыжо улына», – ойлен тудо.

Православный ўшанымаш деч коранше-влакым чаманен, тудо шортын ойлен: «Нуно Юмын чаманымашыжлан йорышө огытыл, сандене нуным Господь сулык верч өкынымашке ок ўж. Тидым мыланем Пылпомышысо Царице почын да Аралыше Святой Суксем каласен. Чын ўшанымаш деч коранше-шамыч дене Святой Шўлышын благодатьше уке, тушто утаралтмашат, ончыкылык Пылпомыш Кугыжанышат уке. Мемнан Аванан, Руш Православный Черкын чыла тиде уло, сандене тидлан мемнан Юмылан кугутау! Руш Православный Черке деч корангмаш – тысе ылышыштат протитлаш лийдыме кугу сулык, а вес тўняште тиде Святой Шўлышым мыскылыме дене иктак аклалтеш».

Киев олаште эртыше Архиерей собор 1993 ий 22 августышто схиархимандрит Лаврентий Черниговскийым святой ликыш пуртен да тудым 11 январыште пагален шарнаш палемден. Святой ачанан паремден кертше да чудым ыштыше мощыжым Эн святой Троице лўмеш соборыш кусареныт. Тыгодым шуко духовенство лийын, а ўшаныше ег-влакше собор көргыштө веле огыл, тўжвалнат тўжем дене шогеныт. Преподобный Лаврентий ачанам уло Православный Черке кугун акла, а Чернигов олесе кажне черкыште Юмын литургий тўналме годым тудын лўмеш тропарь ден кондакым мурат. Аминь.

КОК ЙОЛТАШ



Кок йолташ шуко жап ошман ир мланде дене ошкылын. Ноен, ярнен пытымек, нуно икана чот ўчашен налыныт. Иктыже, шыдыжым шылтен кертде, весыжым шўргыж гыч совен колтен. Тудыжын кумылжо чот волен гынат, осаллан осал дене вашештен огыл. Нимом пелештыде, ошмашке тыге возен шынден: «Эн сай йолташем таче мыйым шўргем гыч совыш».


Шўлыкангын, нуно умбаке эркын каеныт. Келге ерым вашлийын, тушко йўштылаш пуреныт. Шке өпкежым ошмашке возышо енет ийын ок мошто улмаш да, келгырак верыш логалмеке, вўдйымак каяш тўналгын. Йөра эше йолташыже тидым жапыштыже ужын шуктен да тудым вўд гыч шўдырен луктын. Колымаш деч утлен кодшо енет, ушыжо пурымеке, кў ўмбалам коркален возен: «Эн сай йолташем таче мыйын ылышем арален кодыш!»

Ончыч тудым шўргыж гыч совышо, а вара вўдыш пуренгайыме деч утарыше енет öрын йодын:

– Кунам кумылет волтышым, тый тидын нерген ошмаш возышыч, а молан кызитше кў ўмбалам коркален толашет?

– Мемнан өпкенам мардеж пуэн нангайыже манын, ме тудын нерген ошма ўмбалам возышаш улына. Мыланна порым ыштыше-влак нерген сай шарнымаш курымешлан кодшо манын, тидын нерген кў ўмбалам возаш күлеш!

Пагалыме лудшо-влак, ылышыштыда тыгай случай лийын гын, полшышо еным порын шарналтыза! Шкендан историйдам редакцийыш возен колтыза, да журнална гоч тудлан таум ышташ ида мондо!





Дивеево – паломник-шамычын эн йӱратыме верышт. Батюшка Серафимлан вуйым саваш кажне кечын тышке шуко ег толеш. А кушеч чыла тиде тӱнгалын?

Марийжын колымо деч вара поян помещице Агафья Семеновна Мельгунова Киево-Флоровский Вознесенский монастырьш каен да Александра лӱм дене монах постригым налын. Йӱдым кумалмыж годым икана тудын деке Юмын Ава толын да, монастырьлаш пурыде, йӱдвелыш, Российыш каяш кӱштен. «Юмылан йӱрышын илашет Мый тыланет верым ончыктем, тушто кугу обительым негызлем да Шке лӱмем чапландарем. Тӱняште тиде мыйын Нылымше Верем лиеш», – манын Тудо.

Александра ава старец-шамыч деч ойым йодын да йӱдвелыш каен, Нижегородский губернийысе Дивеево селаште канаш шинчын. Нойымыж дене мален колтымекше адак Юмын Авам ужын. «Мыйын ойлымо вер – тыште. Мый тышан тугай обительым ыштем, могайже эше лийнат огыл, ончыкыжымат ок лий», – каласен Тудо.

Матушка Александра Дивеевыште приходской священник Василий Дертев дене илен, кудывечеш тудлан посна кельйым ыштеныт. Юмын Аван Казанский иконыж лӱмеш кӱ храмым Тудын кончымо вереш 1773 ийыште чоҥаш тӱнгалыныт. Ты храм йыр улшо мландыжым помещице Жданова 1788 ийыште ӱдырамаш общинылан пуэн. Тушанкум кельйым чоҥеныт: иктыште Александра ава ден послушницыже иленыт, весыште – кум послушнице, а кумшышко нуно Саровыш кайыше паломник-шамычым малаш пуртеденыт. Тиде у общине Саровысо пӱрӱен монастырьын пенгыде уставше почеш илен. Тушечынак кечылан икана кочкаш конденыт. Духовный ачашт Саровысо старец Пахомий лийын. Казанский общиныште илыше-шамыч молитвам лудыныт, монах-влаклан вургемым ургеныт, пидыныт. Александра ава ончыкылык верч тургыжланен да колымыж деч вара вуйлатыме пашам шуаш Пахомий ачам йодын. Тудыжо манын: «Пылпомышысо Царицылан служитлаш тореш омыл, но ийготем кугу, сандене илен шуам манын, шкеат ом ӱшане. Теве иеродиакон Серафим самырык, духовный

ТЫШТЕ ТЫЛАТ АФОН, ИЕРУСАЛИМ ДА КИЕВ!

кӱкшытшӧ нерген шкеат палет, ты пашам тудлан сугыньло».

Пахомий ача 1794 ийыште колен, а Серафим ача тунам затворышто лийын. Кок ий гыч общиным вуйлаташ Ксения Кочеуловам сайленыт. Но тудын чот шыгыремдымыжлан кӱра 52 ӱдыр ден ӱдырамаш кокла гыч 40 енге каен. Вара весе-шамыч толеденыт да 1825 ийлан ончычсо нарак лийыныт. 1822 ий гыч духовный полышым Серафим ача пуэден. Тудо Казанский общинын неле уставшым вашталтынеже улмаш, но Ксения Михайловна тидым ышташ пуэн огыл. Тунам Серафим ача адак чодыресе пӱртышкыжӧ (пустынькышкыжо) илаш каен. 1825 ий 25 ноябрьыште тудын дек Юмын Ава толын да каласен: «Молан тый Мыйын кулем Агафьян – монахиня Александран – сугыньжым от шукто? Тудым тыланет Мыйын эрыкем почеш пуымо. Дивеево селаште Мый вес верым ончыктем. Тушан Мыйын обителем чоҥо. Ксения шке верыштыжак кодшо, тушеч кандаш ӱдырым веле нал». ӱдыр-влакын лӱмыштым Юмын Ава Шкеак каласен.

Монастырьлан ончыктымо у вер Казанский храмын алтарьже деч эрвелышкыла лийын. Ты кумдыкым ӱдыр-влаклан шкаланыштак Канавке дене авыраш кӱштен. Ончыч мардежвакшым, келье-шамычым, а вара Шкенжын да Шке Эргыжын Шочмышт лӱмеш кок престолан черкым нӱлташ каласен. Обительлан у уставым Шке пуэн, тыгай устав але марте нигушто лийын огыл. Обительын игуменияже лияш Шке сӱрен да тушко ӱдыр-влакым гына налаш кӱштен, кӱм налшашым Шке ойырен.

Мардежвакшлан негызым Юмын Аван ончыктымо вереш 1826 ий 9 декабрьыште пыштеныт. Серафим ача ойлен: «Ты верыште Юмын Ава кажне кечын коштеш. Тудын йолгорныжым палемден, Канавкым кӱнчаш кӱлеш. Ты Канавке Пылпомыш марте кӱкшӧ пырдыж лиеш да антихрист деч арала». ӱдыр-влак жапыштыже тӱнгал кертын огытыл. Йӱдым икана Серафим ачан Канавкым кӱнчаш тӱнгалмыжым ужыныт, йывыртен куржын толыныт, но шкенжым ужын шуктен огытыл. Тидын деч вара паша телымат, кенгежымат чарнен огыл, кум ий гыч, 1833 ийыште, Христос Шочмо лӱмеш пайрем вашеш кӱнчен шуктеныт. Ты Канавке нерген Серафим ача эше тыге ойлен: «Кӱ Канавкым кумалын эрта, Юмын Авалан шӱдӧ витле гана молитвам лудеш, тудлан тыште Афон, Иерусалим да Киев!»

Серафимо-Дивеевский монастырь шке святойжо-шамыч дене палыме. Иктыже – Паша Саровская. 1903 ийыште преподобный Серафимым святой-влак радамыште чапландарыме годым тыш император Николай II Умбакыже – 11-ше лаштыкыште.

ПН	ВТ	СР	ЧТ	ПТ	СБ	ВС
					1	2
3	4	5	6	7	8	9
10	11	12	13	14	15	16
17	18	19	20	21	22	23
24/31	25	26	27	28	29	30

11 - Дни особого поминовения усопших
 - сплошные седмицы
 - постные дни

Разрешение на пищу без растительного масла
 Разрешение на пищу с растительным маслом
 Разрешение на рыбу
 Разрешение на вино
 Разрешение на явку
 Полное воздержание от пищи

ЯНВАРЬ. ЧЕРКЕ ПАЙРЕМ

7 – Господь Юмо да Утарыше Иисус Христосын Шочмо кечыже.

8 – Юмым Шочыктышо Эн Святой Аван погынжо.

Мари́й кундемысе свя́щенно-мученик Леонид Анто́щенко епископын кечыже.

11 – Вифлеемыште орландарен пуштво йоча-влакын кечышт.

12 – Москон митрополитше святитель Макарийын кечыже.

13 – Преподобный Паисий Святогорецын да Мари́й кундемысе свя́щенномученик Михаил Березинын кечышт.

14 – Господьлан пүчмө йўлам шуктымо кече.

Святитель Василий Великийын кечыже.

15 – Преподобный Серафим

Саровскийын, чудым ыштышын, кечыже.

19 – Иисус Христосын Тынеш пурым да Юмо Кончымо кече.

20 – Господь ончыч Толшо да Тудым Тынеш пуртышо святой пророк Иоаннын погынжо.

22 – Москон да уло Российын митрополитше святитель Филиппын, чудым ыштышын, кечыже.

23 – Святитель Феофан Затворникын кечыже.

24 – Преподобный Феодосий Великийын кечыже.

25 – Святой орланыше Татианан кечыже.

27 – Апостол-влак дене төр улшо да Грузийым волгалтарыше Нинан кечыже.

30 – Преподобный Антоний Великийын кечыже.

1 – Орланыше Вонифатий ден преподобный Илия Муромецын кечышт.

2 – Чын илыше святой Иоанн Кронштадтскийын кечыже.

3 – Москон да уло Российын святительше Петрын, чудым ыштышын, кечыже.

4 – Чот орланыше Анастасия Узорешительница кечыже.

ден императрица Александра Федоровна толыныт. Нунын наследникышт шочеш, вашке кугыжан династий пыта да Черкым шыгыремдаш тўналыт манын, старица Паша каласен. Кугыжан ешын орланен колышашыжым ончылгоч пален, кугыжан портретше ончылно чўчкидын кумалын. Схимонахиня Параскева 120 ий илен, шўгарже Троицкий соборын алтарьже ончылно. Тудын илыме пўртыштыжў кызыт тоштерым ыштыме. Арверже-влак коклаште преподобный Серафим ачан йўлышў лукан пўкенжат уло. Сукалтен кумалмыж годым саде пўкеныш пыжыктыме сорта пуренгаен да пўкен йўлаш тўналын. Шикш лекме дене старецын колымыж нерген паленыт.


Илымыж годым батюшка Дивеевыш коштын огыл, Саровышто илен. Ойым йодаш ўдыр-влак тудын деке шке миеденыт. Колымыж деч вара уло арвержым, чодыраште верланыше кок «пустынькыжым» Дивеевыш конденыт. Тораште верланыше пўртшў гыч тыште Преображенский храмын алтарьжым ыштеныт. Серафим ачан чодыраште кум ий кумал шогымо кугу гранит кўм тыгак Дивеевыш конденыт. Тудым икмыняр ужашлан шелыныт. Ик ужашыжым Москваш, Дивеевский монастырьын подворьешкыже, нангаеныт да часовныйн пырдыжышкыже йўнештарен пенгыдемденыт. Серафим ачан кў ўмбалне кумал шогымыжым ты пырдыжыште ончыктеныт, йол йымалнысе кўжў шкенжынак

лийын.


Дивеевыш каяш шонышо-влаккан шарнаш лўмынак каласен кодена. Тушто Канавке дене эртыза да Юмын Авалан «Богородице Дево, радуйся!» молитвам шўдў витле гана лудса. Юмын Аван «Умиление» лўман чудотворный иконыж ончылно кумалза. Преподобный Серафим Саровский ачанан мощыж ончылно кумалын, вуйдам савыза, тудым йўратен шупшалза. Тудын кўршўкешыже коштымо сухарик-шамычымы налаш ида мондо. Поро пиалан святой Паша Саровская пўртышкыжў пурен лекса.

Святой верыш кайыше ег ончылгоч шоналтышаш: молан мый тушко каем? Таум ышташ але йодаш? Благословений налаш але паремаш? Духовный цельым шындет гын, шкендым арам тургыжланыме да жапым йомдарен куржталме деч аралет. Серафим ачан ўрыктарыше да яндар илышыж нерген ончылгоч пален налат гын, тудым йўратымаш кумыл авалта да чылажымат тўткынрак ужаш тўналат. Капкыллан куштылгырак лийже манын веле огыл, а святой еным пагалымет верч пўтым кучет гын, эшеат сай. Тиде тыйынат изирак подвигет лиеш.

Преподобный Серафим ачанан источникышкыже миеда гын, йўштў деч лўдаш огыл манын, «Батюшка Серафим, полшо!» але «Господь, полшо!» манза. Вет тыште пеш шуко паремаш лийын, тыландат ты памашыш пурен лекташ йўн пуалтын гын, тиде чудо дене иктак.



Куанен чиялтена



ЛИШЕМЕШ ПАЙРЕМ

- Мемнан деке толеш пайрем – Рошто,
- Ямдылалтыт изи-кугужат.
- Ала-көжө оила: «Тудо тошто,
- Кок түжем ий утла улыжат!»
- Тунам толын Христос тиде мландыш,
- Толын Тудо чылам утараш.
- Юмо Эргыжым мемнан деке колтыш,
- Ёмыраш ылышлан ямдылаш.
- Вучена ме пайремым, чон вургыж,
- Тырша кажныже поро лияш.
- Шонем кечын чонемым пеш туржын:
- «А мый ямде улам вашлияш?»

Лидия АЛПАЕВА.
Юлсер кундем.

Тып-тымък кечын кава гыч лум велын. Пушкыдо ош лумпырче-влак, ныжылгын пörдын, мландымбаке лишемыныт. Йыгыре чонгештыше кок лумпырче ваш мутланен. Икте-весым йомдараш огыл манын, кидым кученыт. Иктыже йывыртен каласен:

- Тыгай тымък кечын южышто кайык гай чонгештылаш могай сает!
 - Ме она чонгештыл, ме камвозына веле, – шүлыкын пелештен весыже.
 - Вашке ме мландымбалне лийына да ош төшакыш савырнена! – юарлен ойлен икымше лумпырче.
 - Уке, ме шке колымашна деке лишемына, тушто мемнам тошкен пытарат, – вашештен весыже.
 - Ме вүдйогын лийына да кугу тенгызыш йоген каена, тушто курым-курымеш илаш тўналына! – йывыртен кычкыралын иктыже.
 - Уке, ме шулен пытена да йөршеш йомына, – ойганен манын весыже.
- Ўчашен нойыбек, нуно ойырленит. Кажныже шкенжын ойырен налме пўрымашыж деке лишемын!

"ШЎМ-ЧОН ИЗОЛЫК" МАРИЙ ПРАВОСЛАВНЫЙ ЖУРНАЛ

Учредитель: "Руш Православный Черкын Йошкар-Оласе да Марий Элысе епархийже (Московский Патриархат)" религиозный организаций.

Журнал зарегистрирован Управлением Федеральной службы по надзору в сфере связи, информационных технологий и массовых коммуникаций по Республике Марий Эл, свидетельство о регистрации ПИ № ТУ 12-0164 от 12 декабря 2013 года.

Тираж: 1500 экз. Формат - А-4-12.

Журнал лекме жап - 30.12.2021 ий.

0+ - знак информационной продукции согласно ФЗ от 29.12.2010 г. №436-ФЗ.

Журналым редакцийыште погымо да версталыме, «Куранты» ООО-што ямде оригинал-макет гыч савыктыме. Адресше: 429029, Татарстан, Казань, Сибирский тракт урем, 34, 14 корпус, 42-шо пöлем.

Редакцийын да издательын адресышт: 424000, Йошкар-Ола, Вознесенский урем, 81, 224-ше пöлем.

Тел.: (88362) 45-39-54.

E-mail: marlagazet@mail.ru

Тўн редактор: Н.В. Чузаев (протоиерей).

Редакционный совет: И.А. Сапаев, Д.В. Смирнов, А.Н. Таныгина, А.П. Чемякова, А.В. Эманова.

Компьютер дене келыштарыше: Д.В. Смирнов.

Ак - кутырен келшыме почеш. Авторын да редакцийын шонымашышт тўрлө лийын кертыт. Серыш-влак мөнгеш огыт колталт.

**РЕДАКЦИЙ ЙОДЕШ: ЖУРНАЛЫМ ШАЛА
КЫШКЫЛТАШ ОГЫЛ. ЛУДЫНАТ - ВЕСЫЛАН ПУ!**